

叢書集成續編 第二五八冊目錄

史地類



總傳雜錄

巴陵人物志十五卷	清 杜貴墀撰	卽園	一
思舊錄一卷	清 靳治荆撰	昭代	九五
知我錄一卷	清 梅庚撰	昭代	一〇九
頤志齋四譜四卷	清 丁晏撰	頤志齋	一一五
漢鄭君年譜一卷			一一八
魏陳思王年譜一卷			一二七
晉陶靖節年譜一卷			一三一
唐陸宣公年譜一卷			一三六
古品節錄六卷	清 松筠撰	正誼齋	一四七
先聖生卒年月日考二卷	清 孔廣牧撰	廣雅	二八七
國初群雄事略十二卷	清 錢謙益編	適園	三一五
鄧志稿二十卷	清 蔣學鏞撰	四明	四七五
哀烈錄一卷	民 康有爲輯	滄海	七四七

凡物皆

光緒壬寅
刻於長沙

光緒辛丑夏六月謁 外舅杜先生校經書院居數日告歸
先生曰吾傳巴陵人物行付剗劖子爲我任校讐可乎余固欲
受古文法於 先生且樂觀是書之成者遂不敢辭九月 先
生有疾愀然曰前者健甚意謂列傳諸人或陰相吾以速其成
今將隨之俱去乎其言絕痛又半月遂歸道山而就刻者僅三
卷實未見其成也迴憶庚辰之歲余客襄陽見案頭所敘述已
十數人爰舉曾祖王父行誼爲請 先生矐其意而許之時族
兄菊人方去武昌備兵茲土朝夕舉所知以告 先生甚懽洽
也先是守武昌時嘗從容謂 先生巴陵界湘鄂之交有湖山
之勝代產名賢而事蹟著作往往問之人人而不知紀載多疏
後之人豈得辭其責哉因以傳事誣譏然 先生素矜慎非得

敘

於見聞之實不欲安置一辭故迄今二十餘年而所成僅有此
數也 先生之言曰疇昔游晉之聞喜見裴氏著錄邑乘者前
輝後光吾縣之方旣不後於裴武昌君復能追念前修豈非長
逝者所託命耶既感其意且復諾之而人事牽率未能卒業或
莫詳其仕履時地或其子孫溢美虛稱實有可紀者又忽而不
著其略無事實者更何賴焉若夫姻婭友朋多能詳其家世據
事直書庶異乎雖善無徵者雖然言之無文行而不遠昔吾之
文不概於心迨今有成而吾年亦衰且老矣嗚乎 先生之於
是書其勤已至而病榻呻吟猶耿耿於孫君樹人許君毅齋以
未得其行事而表著之爲憾信乎紀述之難而 先生之用心
爲可悲也余幸承教誨獲見成書謹卽 先生所次第訂厥脫

謫未繫論贊者一仍其舊以存其真惟是手澤猶新音容遽杳
而平生請益之望遂孤是則俯仰今昔泫然而不能自己者歟
光緒二十八年壬寅正月受業壻方大堪謹識

敘

巴陵人物志目錄

卷一

巡撫方公傳

卷二

黃御史傳 子文瑗文理

許御史傳

方稼軒先生傳

梓湖吳先生傳

謝編修傳

卷三

潛谷先生傳

目錄

方冉亭先生傳

常德訓導可齋傳

方君山先生傳 子美蓁

方鄉賢公傳

方彝叔傳

楊君雲舫傳

卷四

甯紹台道方公傳

雁平道方公秋_鑑傳

方運使傳

方知府傳

鍾運使傳

前山西布政使方公傳

鄧縣知縣周君傳

彭知縣濟臣公傳

卷五

張通判傳

潮州知府方公傳

漢州知州傳

蕭山知縣傳

二汪傳

兩熊傳

目錄

廣信同知彭公傳

彭運使傳

金縣知縣傳

平和知縣楊君傳 林春昉

卷六

廖君鑄臣傳 子貢民

吳中書傳

候選道何公丹臣傳

龔知府智軒傳

卷七上

費氏三世名人傳

安鄉教諭黃先生傳

毛教諭傳

方桐鄉先生傳

龔員外傳

許我山先生傳 兄兆湘

卷七下

彭五經修五傳

方教諭傳

劉先生傳

汪舉人傳 楊大醇

方貢生傳 子大同

目錄

三

瑞金知縣任君傳

鄱陽知縣李君傳

李霽初傳

卷八

安化教諭方公傳

教諭唐仁敏先生傳

縣學生程叟傳

寬樂老人傳

許檢齋貢生傳

卷九

方新莊先生傳

吾友熊君傳

顏孝賈傳 劉取才

趙畱餘傳

方贈翁傳

卷十

張君菊邨傳

郭叟价惟傳

方君益卿傳

方君和齋傳

卷十一

趙同知傳 趙世謙

目錄

四

彭叟松山傳 孫會嘉

張贈君傳

封翁馮君傳 子正元

彭君耐皆傳

卷十二

廣東候補道方公傳

卷十三

李石城傳

陶提督澄軒傳

陶總兵綬之傳

陶提督錫三傳

劉總兵傳

劉總兵子敦傳

舉人阮君傳 方大潛

卷十四

曾大父奉政公傳

從祖父大甯公傳

先父鄉舉公傳

先兄伯崇先生傳

卷十五

方母費太淑人傳 附太淑人張氏

方母張淑人傳

目錄

方母陳節義傳

黃氏貞姑傳

廖母黃太孺人傳

龔烈女傳

劉孝烈傳

杜母唐節婦傳

劉孺人生傳

何孫婦墓志銘

巴陵人物志一

邑人杜貴堦撰

巡撫方公傳

方巡撫諱顯字周謨號敬齋歲貢生選授湘鄉教諭升廣西恭城知縣擢貴州鎮遠府兼理思州府事是爲公立功苗疆之始雍正六年七月丹江生苗倡叛而附近之清水江九股生苗陰相應和爲影響九股上接丹江下連清水江南岸清水江南北兩岸竝險要而南岸苗寨多北岸其悍尤甚按察使張廣泗督兵進剿丹江而以清水江屬公招撫清水江北岸地有曰梁上梁上東北與內地叩水司連西南則挨磨者磨等寨在焉公始事梁上既盡得賊中要領先撫定其十六寨且令各寨酋克

志一

十一

期會集諸苗寨宰款合榔宰款合榔者苗俗如漢人之歃血盟誓而挨磨者磨等八寨亦以其時就撫立保甲輸錢糧如約北岸既定乃移兵而南號令九股撫定其羊翁世蓋等四十一寨及其鄰近之反號董敖等寨而交汪等七寨及陶賴等十三寨亦以九股故相率就撫蓋苗寨九股爲強云七年三月廣泗以清水江南岸苗寨尙懷反覆復檄公偕副將張禹謨以往公先命子桂周歷北岸諭苗寨各繳軍器進至柳羅駐兵以臨南岸南岸公鵝寨實始拒命至是結雞擺尾柳利白索白漢等二十餘寨出我軍不意渡江北攻我軍左右中三路迎擊多斬馘而右路禹謨精銳自衛捐贏以與敵而敗中左因以不支困守柳羅者一十七日會廣泗已擢巡撫率兵來援圍始解方事之

急禹謨欲棄柳羅走公力爭止之及是隨巡撫督兵進剿公先遣通事口辯者潛說罷公鵝之黨霖雨江盛漲募壯士乘大霧潛渡奪苗舟以濟師其死黨雞擺尾寨助戰又連破之公鵝勢遂孤先是漢姦曾文登爲雞擺尾言漢兵自古不渡河諸葛武侯曾與立石爲誓若輩果聽漢納糧今年納一明年且令納十且歲歲役汝不得休息各寨既陰中其語公鵝因乘以煽誘及屢爲渡江漢軍所敗於是舉不信漢姦縛獻軍前而雞擺尾及柳利大寨革卑等寨白索等五寨均詣營受約其後雞呼黨之變雞擺尾苗酋先期來告問何不與俱反則頓首曰我苗受創後深知天威難犯不敢反我未就撫時軍士獲我婦女公必令幃置別室遣謹厚者善視之感公恩亦不忍反也雞呼黨受

志一

二

撫復叛事在是年冬十一月公已前擢貴東道仍駐清水江既敗雞呼黨乘夜撲營之兵遂進圍其寨率之其附雞呼之東庫黨立天臘烏交鵠演農交甲六寨懼并剿俱詣公謝公令徧視營壘且諭曰若輩可縱觀官軍虛實如不悔罪自揣力足抗官軍者可仍歸守寨雞呼黨惟不善守故至於敗若輩自審無後悔蓋我軍進擊時雞呼黨百計死拒凡可以遏官軍者施設至爲嚴備公故以是誅之六寨皆頓顙伏地願受約遂繳軍械自請罰輸牛重爲話平雞呼黨之明年十二月擢按察使又明年正月巡撫奏言新開苗疆內之九股一處苗寨蕃多且甚悍控制之方以宿兵清水江丹江適中之台拱爲便台拱建營汛慮苗民驚擾九股輒生事端新擢按察使苗疆地勢輿情深

所請委請 飭暫前往台拱經始是役報可是爲公立功苗疆之終公之建城台拱也羊翁諸寨結南世羊甲墨引等寨合謀抗拒丹江之高坡雞講空稗等寨助之唯台拱在農二寨感公不殺舊恩誓不反且告變十年九月七日諸苗屬集突大營公先別遣精兵伏壘外左右與所偕清江鎮總兵趙文英分布守壘戒士卒無驚恐但露刃倚壘立賊緣上則斫之及賊眾盛兵攻營營中寂無人攀壘則刃中其喉死者數十輩驚而反走入伏中則又走走又遇伏遂狂竄自相蹂躪以死當是時我兵少賊十倍而其來且益眾又以別軍塞排略絕我援軍及餽餉所由我軍日困初以倍直致台拱在農寨糧畜然且不足既而賊怒二寨聲言將移兵相向二寨憚賊絕交易制府檄退師就糧

志一

三

下秉公謂此不能守雖去下秉必不達久之益困人惟日賦米一合牛馬肉一片且盡公日不再食揚揚如平時益以忠義厲將士久之援軍以戰勝躍入公奮兵出壘表賊而痛殲之卒建城台拱爲黔重鎮所謂台拱在農感公舊恩者當二寨就撫張禹謨追怒其匿施秉劫盜官捕不得謀因兵威屠之公力持不可第令縛獻施秉盜二寨幸得無事保全至今也城事既竣之按察使任平冤獄出死囚四人黔民歌頌有過了兩重黑天纔見青天之謠以母愛去官母許性嚴恪諸子小有過失詞撻不少貸公官黔臬時年五十餘矣母怒則長跪請罪怒解命起乃起母卒黔官廨公方以事畱大營疾馳兩晝夜盡六百里得親含斂在途馬夜蹶墜崖崖高數百尺云若有陰掖之起者服闋

當乾隆三年授四川布政使明年署理巡撫謝疏入 上獎其質實而訓以撫臣宜持大體不可任氣褊狹先是鄂文端公疏陳招撫清水江等生苗方略因述及公 世宗硃批公姓名旁聞得甚好係出格之才蓋蚤簡在 帝心 純廟之不次擢用基此矣自鄂文端公用師苗疆議者多謂不便江陰楊文定公名時貽書文端至引天道甚神人不可獨殺爲戒而豔其功者乃欲以幸試大小金川是時四川沿邊之雜谷梭磨土司因與小金川互爭必色滿地舊釁要結沃日等土司連兵攻劫而大金川土司色勒奔與革什咱累世深讐互相劫奪公壹本至誠委曲調護次第剖斷嘗奏言雜谷梭磨吐番後裔其巢穴卽李德裕旣取復棄之維州戶口約十餘萬金川緊接雜谷戶口不過數萬雜谷素憚金川之強金川則畏雜谷之眾彼此箝制邊境又安固不可任其爭競亦不必強其和協況沿邊多生番畱之可資捍衛且從前川省有進剿之役檄召土兵並應期偕集著有微勞又宜畱之以供調遣至其同類操戈原未敢干擾內地化誨亦尙懷遵是以姑緩參究乃議者謂當乘機參革金川改土歸流非惟彈丸土司無裨尺寸且所給印信號紙一經追取卽係無管生番稍有違抗又費經營得 旨所見甚是公撫蜀年餘所以綏靖土司謀慮深遠若預燭異日前後用兵勞費幾幾不克藏事者老成先見蓋久而始驗云五年七月廣西義甯苗叛 上命公移撫其地旋 諭令畱川醫治目疾並 賜避暑山莊法帖康濟錄及唐宋文醕等書尋 特賜福字鹿肉

志一

四

野雞哈密瓜藥錠及公力疾赴廣西任所又 特諭解任養病
雷粵回籍聽自便太醫院精選高醫馳驛就所在診視六年十
月薨巴陵里第年六十有五事載 國史貴州苗疆之開發議
自張公廣泗而鄂文端決策於公公因條上便宜十六事一別
良頑良而懦者本有內嚮之萌乘機而導宜安撫愚者未即知
歸誠之樂俟教而化宜招撫頑而凶悍者志在虜掠狡黠者意
存首施非臨以兵威雖恩不感宜以剿爲撫一審先後路有遠
有近近者先撫遠者或聞風而來勢有弱有強強者先撫弱者
乃迎刃而解一禁騷擾擾於未撫之先則不就撫者得以藉口
擾於既撫之後則已就撫者又復灰心一耐煩難苗人不通文
告毋憚口舌之勞苗地本多險阻毋憚跋涉之苦一防邀截林

志一

五

箐叢雜山谷幽深苗本易於設伏人心多狡風俗尚詐苗又慣
於設伏一戒姑息未就撫而不遵化導情尚可原已就撫而叛
服無常法無可恕一宥脅從渠魁有違抗之心自必有違抗之
迹脅從有違抗之迹不必皆有違抗之心一除漢姦苗人本易
反覆漢姦每潛往煽搖漢姦既已煽搖苗人必愈形反覆一繳
軍器苗器堅利不繳則桀驁難馴一編戶口苗戶稠繁不編則
散漫無紀一完錢糧錢糧宜輕不宜重重則難輸輕則易納一
定條約條約宜簡不宜繁繁則難曉簡則易從一設重兵無事
則控扼形勢藉消姦宄之萌有事則就近剿除可免遷延之誤
一建城垣城修扼要之區聲威益壯建適中之地運掉皆靈一
置塘汛互相聯絡嚴密稽查沿江之聲息果通兩岸之凶徒必

斂一疏河道灘石無多修鑿尚易黔楚之商船既利苗民之生
計彌寬自著平苗紀略其論馭苗之宜云無事毋激有事毋諱
大事毋畏小事毋張公起家州縣諸在官所施設類古循良茲
第著大者於篇他不及詳云同治朝崇祀鄉賢妾陳氏歸公年
始十七越五年而公薨公薨前數日語陳汝年少無子宜好自
爲計陳以死自誓公前自是足不踰閭者三十三年竟以節終
子桂自有傳

志一

六

杜貴墀曰吾鄉祠有所謂 勅封都巡大帝者或曰卽洞庭君
也方氏尤嚴祀之余童時聞長老言公久困苗圍中夜夢若有
人似今所肖大帝像者爲公剋戰期且言吾是時當助汝公適
聞外援將至遂如期奮兵突賊果大勝苗俘自言合戰時公馬
後一巨人黑面猙獰長丈餘作指麾官軍進戰狀苗見輒驚怖
失氣相率反走不自知其所以也此與昭烈王唐張幵示靈偉
人無異竊惟 天子當陽震疊懷柔百神效順而揚 休命中
國威者精誠又足以感孚之詩曰天保定爾又曰神之格思
古人豈妄語哉嗚呼大帝故依然也今何時乎復得如公其人
者陰左右之以捍大難成大功或亦神之所樂歟

先生諱秀字實菴年十三補弟子員滇寇踞岳州避地山中土人因名其山曰道山謂有道者所居也學者稱道山先生年六十有四而成進士選庶吉士時當康熙辛丑明年上宴羣臣六十以上者於乾清宮先生與焉有紀 恩詩四十韻散館充治河方略政治典訓兩館纂修改山東道監察御史協理山西道事沉澗者舊集丁未世廟詔中外羣臣各舉所知實菴舉吾郡敬先生蓋示模學也敬不就時論兩賢之秀同年鄧編修鍾岳稱秀德性純厚持家整肅處世謙和疏請推廣皇仁因條陳振卹隄防諸大政曰一農桑宜勤勸課兆庶衣食之原非農桑則生養無具

志二

三代時井疆有法授田有制民無田多田少之事因無甚富甚貧之家旱潦見告凶荒無慮今土地雖廣而生齒日繁富者田連阡陌貧者地鮮立錐爲民牧者祇以催科爲能民生休戚漠不相關求其撫字心勞者固已鮮矣井田久廢難復限田勢不可行祇有重農厚民一事爲今日亟務臣懇我 皇上特著爲令凡親民之官必以勤於勸課爲先不得漫云無游民曠土惟於每年春秋二時巡行各處鄉邨躬親省察令其預備牛種以勤耕作廣植桑麻以獲絲枲收穫米穀不得濫用俱各謹其蓋藏巨室富家不得重利咸周恤其鄰里懲奢侈僭踰之習禁迎神賽會之舉仍俾牧令久於其任實心奉行以三年爲期務使家給人足閭閻實在皆有蓄積荒年可以不虞饑饉凡有司報

績必以此列爲首而征敘次之督撫保薦必以此考其成而他務後焉其有勸課不勤儲蓄不充民多窮乏者爲參罰所必及如此則勸課勤而衣食足斯禮義自興何慮俗不漸返醴良治難追於古昔邪一考試宜嚴弊竇 朝廷設歲科兩考取士自各直省盡改學院後又給養廉之費學臣俱清白自矢孰敢仍蹈往轍自貽伊戚但士習巧僞日滋見學臣廉潔賄賂無門遂詭生他計以圖僥倖其中有傳遞文藝之弊有長鎗代考之弊有頂名換卷之弊有賄託巡捕串同堂官之弊有書役招搖潛通關節之弊有內藏能手作文暗遞童生之弊有撞騙假託欺哄愚人之弊種種不法在素習精明者善爲周防嚴行禁緝有犯必懲人情或知畏懼一遇委靡不振之員則廢弛以養奸大

志二

爲士習文風之害大抵諸學臣一己之精力有限耳目難周眾人之狡詐無窮欺瞞莫測人惟利是圖卽子姪且有悖其父兄者況幕友長隨胥吏衙役素多姦猾尤爲貪利無厭者乎此真才所以常致淪落士習所以日益卑污也臣懇 皇上俯允末議敕部議覆載入學政全書諭令督撫轉行學臣清查諸弊通行嚴禁凡府州縣考試卽責令點名散卷防維代作傳卷諸弊且不得多行濫收送考至院考日細令廩保認識毋得給燭仍認真覆試更調府縣原卷查對筆蹟相符文理皆通然後取進勿致草率祇完故事儻仍前舞弊或經訪察或有首告卽嚴行重懲搜絕根株其或學臣憤憤在他處發覺者卽將學臣處分如此則諸弊絕而考場清文教可以振興士風必能不變矣一

蠲振空數實數我 皇上念切民瘼於雍正五年軫恤湖南被水州縣衛所 特頒恩綸既蠲正供復發帑帑穀備荒如天好生之仁洵無有加於此者惟是免糧無論貧富而振濟則專爲窮黎富室田多既免其糧不須再振惟貧民則日食爲艱蠲振自應兼施但更有一種最苦窮民原無田畝報荒因無姓名在冊臣見外省州縣止憑荒冊花名散振故豪棍勾通奸胥飾無爲有聚少爲多肆行侵冒而真正窮民反因無費姓名不能上達竟不得少分升合之需行且悉轉爲溝中之瘠且此弊在各衛所尤甚衛田散處各邑衛糧多屬大戶乃蠲振仍益富人而顆粒不逮窮佃其情更屬可憫臣請 敕部議覆通行各直省嗣後凡遇賑濟俱照近京州邑定例確查無土赤貧之民戶

志二

三

造清冊並取具鄰里甘結沿鄉逐戶分給小票一紙照人口之大小多寡以發銀穀勿令豪強吞併吏胥中飽俾見在窮民得自充一日之飢餒比戶皆沾 朝廷之實惠雖有旱乾水溢不足爲斯民大患矣一水旱宜速勘詳伏思堯水湯旱雖屬偶歉之天行而拯溺救飢必須豫籌於人事臣湖南人也知楚爲產米之鄉平原近地農民勤於耕稼雖水旱稍歉亦不致竟成大災惟濱湖者多水傍山者易旱每遇大旱大水之年百姓具控號呼而州縣往往顧恤已私置之不理或緣先報年豐後難詳改或謂秋災不爲民病飾詞誑上因而漠視民瘼遂致民情壅於上聞極可痛憾臣思窮民遭逢歉歲目前已乏生計即稍有薄田食尚不敷糧何由辦不得不棄產謀生流離四出而州縣

又從而禁出其境不爲收恤幾何而不爲賊盜也在州縣官動稱報災有例不知例所以防弊耳若實在真荒見聞難掩彼繪圖上陳者甯必問往例邪伏讀 上諭凡地方小有水旱勘不成災例不應題者督撫具摺奏聞令民間情形無絲毫隱匿方不負封疆大臣之任大哉 聖言洞悉民隱軫念民艱肫誠篤摯又如如其至也夫以水旱未及成災者大臣尙不當隱匿豈水旱大爲民患者有司可不速勘詳報臣請 申諭督撫嗣後儻遇地方報災卽令州縣速行履畝親勘仍委鄰縣官員確查固宜嚴禁民間捏報尤當重懲官吏隱蔽如果田地無收米穀昂貴亟宜據實詳請或平糶或緩徵振撫兼施如此則民間疾苦皆得仰達 宸聰而 恩膏無不下逮矣一命盜宜嚴隱諱

志二

四

命盜爲民生重務隱諱例嚴處分惟有司以盜犯難於逮獲不嚴加緝緝以事主愚懦無知反多方根究甚有勒取無事甘結以罔下民欺上司者在事主既苦盜劫又畏官法更慮胥役需索不已往返拖累無休故失盜之家祇得隱忍不言盜賊因而愈熾此諱盜所以益多盜也人命重情則州縣往驗者多通詳者少彼見苦主柔愚或恐嚇以危言或安慰以甘語甚至豪棍串通行賄諭令私和屍親不忍檢傷情願自息以致強梁者逞一時之忿弱肉強食毫無忌憚此諱命所以多命案也臣請嗣後民間有命盜案件若已報而不行深究毋論得贓與否州縣皆宜重懲其有情真事實官民交隱或經上司察訪細查亦許旁人據實出首一經發覺官則飛章參處吏卽監禁定罪豪

棍則立擎重懲務使真盜必獲真命必究至於假命圖賴以詐索財物買盜扳賊以誣讎良善者則立法嚴懲又當加等夫命盜原有限期未便率結然果不得其情自必虛衷訪察屢加研訊若情真罪當毫髮無疑則初招已定即令出具不致改供甘結附卷具詳其間亦有鄰左右證與無辜牽連或老弱貧病難隨招解者即取具的保聽候院司審結釋放庶愚民既鮮拖累之苦而命盜自無沈擱之患矣一隄工宜嚴浮費楚爲澤國惟恃隄防見蒙 聖恩頒發帑銀六萬兩分撥湖南湖北修築隄腔並疏濬支河淺阻此非常之曠典也臣查各省隄垸每歲俱照糧石以派夫工向令工無虛冒隄腔皆固即稍有雨水亦何至即行漫決惟從前官役每多侵漁入己衿棍豪強率皆免富

志二

五

差貧隄總單頭又復徇私包攬至僱夫必扣減工價報銷又多開數目此浮冒所以滋弊多端也且鋤隄上則翻新蓋舊而隄面愈削築隄腳則上緊下鬆而隄根易塌苟且塞責於一時必難經久於日後此夫工所由難覈實數者也故隄工一事在小民常苦力役而官吏反樂興修以 朝廷利民之舉竟爲奸軌肥己之計可勝歎也哉且修舊隄與築新隄形勢不同工程亦異凡隄有衝潰處或補築決口或另築月隄費用既繁創建匪易若舊隄原腔現在止宜擇緊要險工與低薄處加高幫厚其夫工遠異新築未可任其朦混開載概以數千百丈之長數十百里之遠一例浮捏虛數欺上司以侵國帑今湖北各屬隄里甚長支河甚多修濬自應兼行楚南州縣逼近湖濱者波濤湍

激多山水迅發無從疏濬惟修築隄圍爲要著敢請 敕諭督撫委員清勘時載清土名實從某處起某處止隄腳若干寬隄身若干高隄面若干厚細查土方新舊估計夫工多寡造冊報司計士論工按數發銀照舊例每夫一日給米一升鹽菜銀一分即於修築之舉兼寓救荒之策嚴革前此積弊庶克副 皇上愛養楚民至意自屬一勞永逸之良謨然監修尤當差委賢能之員不得徒用佐貳致與胥役衿棍勾通舞弊欲知隄高厚則插竿壘土以測尺寸欲測隄堅鬆則錐土盛水以試疏密欲知夫工數目則點土方大小查新坑深淺以辨多寡虛實工竣委道員親身嚴查凡丈尺土工俱與原冊相符送部覈查方準開銷至考覈工程尤須勸懲有法查黃河修築隄岸俱以三年

志二

六

爲限如限內潰決即令承修官賠補迨限滿隄堅保固無虞查明議敘今湖南隄工因例無處分州縣不獨視爲利藪且謂功過無與己事一味草率以致隄腔不堅故湖南百姓歲歲受隄工之累者此也查康熙五十五年工部原議及此惟是歲久玩生伏乞 嚴敕督撫實力稽查分別懲勸則功過既明而隄工自歷久常固斯民可以永慶安瀾矣官御史三年致仕歸自號洞庭漁人卜築河饒之暇額堂曰怡頤文以記之續纂邑乘後出應貴州之聘纂修通志寓居王文成公書院而記以文大旨謂陽明講學拈致良知爲宗旨良知言自孟子致知本諸大學初非枻說致良知者由吾性本然之知從事學問思辨擴而充之以造其極則盡心知性躬修實踐蘊之爲德行著之爲事功

發之爲文章皆不外乎此此其立言本旨原不背於孔孟亦非大遠於程朱後人乃妄生非議謂其學涉於禪竟以陽儒陰釋議之夫體用原不相離未有舍用爲體者禪家者流絕人倫滅天性固無所爲用即所謂本體亦已大非陽明學既有體又復有用非空談性命流於虛寂者比而可議以陽儒陰釋乎卒年九十著有道山堂文集詩賦子文培雍正癸卯副貢文瑗癸卯舉人文瑗乙卯拔貢與弟文理同舉於乾隆元年丙辰榜文理中明通進士先生皆及見之

文瑗字學遠號玉亭以舉人歷知恭城巴東枝江棗陽縣所至號廉明棗陽縣城逼沙河倚隄爲固河漲屢敗隄且及城根玉亭集邑父老相度河勢順從城灣至大東門疊石壘土成護城

志二

七

隄數十丈就要害處建二石磯爲隄當水之砰擊隄益有恃無恐卒官士民慟之爲建祠縣之西街事具棗陽縣志

文理號倫齋以進士知大庾縣未及三年罷歸 純廟巡幸江南倫齋獻恭和 御製奉 皇太后木蘭元韻詩二章其鵬字韻云請看駐蹕雲呈彩歡動遐方早貢鵬又云景仰 翠華巡幸日金門願賦杜陵鵬奉 硃批詩律可嘉候朕回鑾日以知縣用旋授四川隆昌縣知縣

杜貴堉曰 國朝文人多壽考然罕至九十者先生之後惟沈公歸愚九十有五梁公山舟九十有二與先生鼎足而三爾其達最晚而享年最高者爲海陽劉公起振八十有八或云八十而成進士選庶常 賜檢討 高廟南巡以恭迎加侍讀銜遭遇可

謂至幸然甫達卽歸未能有所建白先生則累歲諫官從容諷議退而著述及見諸子鄉舉中有中明通榜者乃劉公丙辰同年文人福命上應 國家氣運之隆烏虜豈偶然哉

許御史傳

御史諱伯政字惠棠一字石雲乾隆元年舉天下鴻博御史以選拔應 詔乾隆徵士錄 上臨軒策問經史源流復命作五論訖計各官所薦凡二百六十七人試畢遣歸者一百九十五人又明年戊午舉順天鄉試壬戌成進士知四川彭縣有惠政值金川用兵供費浩穰以善措置故軍給而民不擾內擢禮部主事轉員外郎遷山東道監察御史年未及六十告歸家居數十年不履城市御史學該洽討論故實必援引剖析使無遺義究心經傳往往出己見爲論著

志二

八

於易謂圖書皆出太昊之世卦數生於河圖著數生於洛書其論卦變曰重卦自具兩體凡傳稱上下者如乾下乾上震下坎上之類凡稱進退往來內外者如乾九四上下无常進退无恆及否泰反其類也泰之小往大來傳曰內陽外陰否之大往小來傳曰內陰外陽之類皆易例之顯而易見者又剛柔之稱有以爻言者有以卦言者以義求之皆象明理顯無取於卦變之穿鑿其論變占曰啟蒙所論依傍左國參以己意其實卜筮以衍忒宜各隨其人其地其事其時而推衍之乃能旁通其變曲暢其情未可先爲例以拘之左氏卜筮之法如秦伯伐晉卦遇蠱是六爻不變之卦而其占全不用彖辭孔成子筮立君卦遇屯之比史朝以靈公名元卽以元亨屬之孟縶弱行卽以利居

貞屬之皆非繫辭之本旨故兼取漢人卦氣納甲及京房易傳火珠林之法而不用卦變變占於春秋謂孔子既因魯史作春秋其史中所載事實即爲之傳今左傳中敘而不斷言約旨精者即孔子所作其有加註解如段不弟故不言弟之類又加論贊如君子曰仲尼曰之類詞氣浮夸多與經旨相悖乃屬左氏增設又謂孔子所用乃夏正非周正王周正月王周二字爲後人所加而攷定每年十二月朔日甲子及節氣時刻俾二百四十年間置閏之得失干支之次序一一可見以伸其合於夏正之說於詩用蘇轍之說以小序首句爲古序餘爲續序次列集傳次列辨義而攻難集傳者爲多其書曰易深八卷曰春秋深十九卷曰詩深二十六卷論步算謂天周宜用三百六十度日

志二

九

法宜用九十六刻宮次非恆星一定之居歲實奇零積久始覺損益不宜概爲四分日之一遵 聖祖御製歷象攷成前編之法溯稽經史傳註所載至朔氣閏質其合否糾其謬誤排纂長歷分代紀年上起軒皇下迄明季四千年之中絲牽繩貫使星躔節候一一可按譜而稽其書曰全史日至源流三十二卷乾隆三十七年 詔採訪天下遺書日至源流鈔儲四庫三深存目又著有事三堂文稿行世子萬玠由湖口知縣擢揚州同知勤政愛民事見江西通志名宦傳孫忠一以選拔官遠安知縣杜賁堉曰余自幼聞諸長老御史經學名天下及長御史後裔有昏吾家者從求御史遺書不可得得所著事三堂經義稿久之御史後裔日益困稍出鈔本日至源流以售人易升斗然

非出御史手定見者疑有譌舛弗向也余晚寓長沙見校本於余君鶴皋所朱書楷法極精云舊藏文瀾閣兵後以重價得自書賈極寶貴之假觀數日即取去鶴皋旋死此本不可蹤迹矣詩深諸書數問之許氏則云板片零亂不復可識別而已悲夫

方稼軒先生傳

先生諱大純字希程一字稼軒道光癸巳進士授兵部主事選取軍機章京先生好學寢恆逾夜分朝夕食目光注書不轉或誤置箸研中墨其臂年二十領乙酉鄉薦所爲文驚其長老讀書能著其說集近人四書說爲書號四書通義詩初宗毛氏既乃薈萃眾說而閒以己見附之與人論格致書曰歷來諸儒辨論格致何啻千餘言純何人敢復饒舌然閒嘗折衷經文渾諸

志二

十

家之論而一之今之論者多以格致之傳爲亡愚以爲格致之傳雖亡而未盡亡也曰此謂知本此謂知之至格致之義了然矣曰知本即王氏致良知之說尊德性之旨也曰知之至即朱子窮至事物之說道問學之旨也爲尊德性之說者曰物即物有本末之物知即知所先後之知蓋通量物之本末事之終始而爲用功之先後耳夫物豈有出於身心家國天下之外者哉夫謂物不出於身心家國天下之外是即孔子成身不過乎物之說也非異說也爲道問學之說者曰用力之功或考之事物之著或察之念慮之微或求之文字之中或得之講論之際凡夫身心性情之德人倫日用之常以至鬼神天地之變鳥獸草木之宜自其一物之中莫不有以見其所當然而不容已與其

所以然而不可易此卽孟子萬物皆備於我之說也皆篤論也夫天生蒸民有物有則自其大本而言之凡經文所謂身心家國天下者皆吾良知中所固有也卽知本之要務也自其極功而言之朱子推之天地鬼神草木鳥獸皆所以擴吾心之良知也皆知至所包涵也知本者格致之始事知至者格致之終事知本知至則格致之道備吾故曰格致之傳雖亡而未盡亡也至若傳古本大學者謂格致亡傳以此謂知本二句繫經文未之有也下是頓悟之學也是禪家所謂一了百了者也豈足以語聖學是朱子之所定固不可易也然而補傳則竊有所未安者以知本知至之言還之格致之傳則格致之傳雖闕而格致之義更不必補守缺抱殘其亦可矣何必以此謂知本爲衍文

志二

主

而別求其說歟或曰朱子謂一草一木皆當格不幾玩物喪志歟曰吾固言之矣此孟子萬物皆備於我之說也萬物體統一太極物物各具一太極與我非有二也夫草木之發榮滋長乾之元也暢茂條達乾之亨也收斂藏固乾之利貞也四德原於天具於心而散著於一草一木其分雖殊其理則一卽此可以知性卽此可以知天卽此可以見至誠盡性參贊之學格物願不重哉如徒訂爾雅之經考山海之注是博物非格物斯乃眞玩物喪志矣至良知家言謂格物是格去物欲若如此說則八目止說得行一邊少知一邊且去欲一層已包誠意中其說亦未可從旣成進士有志天下大事從兵部吏繪取天下之圖行省各一大幅注其地必詳蓋其慮深矣未及有爲年三十而卒

世皆惜之左恪靖侯謂此君不夭當爲吾楚第一人云

杜貴墀曰余童年侍從祖父大甯公山西宦所一日見公閱家書慨然太息稱巴陵無福者再久之乃知爲先生之卒而云然先生之卒前粵寇之變十餘年考其時年裁四十餘以十餘年中所講求於天下者起而任其艱鉅當以勳業倡中興諸帥之先左恪靖所謂第一人者豈虛語哉士不幸命與才違賁志黃壤世無從知之其存沒亦不爲世重輕若先生者成就卓卓其端倪著見先於湖南曾胡諸公幸而無死天下將倚賴焉然則巴陵無福第謙言之耳嗚乎巴陵之不得與湘鄉湘陰諸縣爭烈也豈非天哉豈非天哉

梓湖吳先生傳

志二

主

巴陵多樸實厚重之儒自爲縣以來更歷千數百年以古文明天下而貴墀幸及親見之者蓋一人焉其姓吳氏其諱敏樹其字南屏其居巴陵之銅梓湖其官由道光壬辰舉人訓導瀏陽其生始嘉慶乙丑終同治癸酉其學六經其文則宋代曾歐二氏之文而非一世之文也先生幼穎悟從師受左國史漢諸書卽能通其意稍長爲詩與隣近毛舉人西垣相唱和時藝獨喜明歸氏震川而尤專意古文之學是時上元梅郎中曾亮方以歸氏古文鳴京師而朱侍御琦邵舍人懿辰王戶部錫振諸人爲之先後先生甲辰之年入都試禮部所序歸文別鈔爲瑞安項舉人傅霖攜去以達梅郎中先生由是有古文名鉅人多求識先生而湘鄉曾文正公國藩與交尤篤然先生雅自矜